

# Kalaallit Nunaanni suliffeqarfiit aamma oqartussaasut CVR-imi nalunaarsorneqassapput

Ulloq 1. januaari 2018 aallarnerfigalugu Inuussutissarsiutnik Ingerlataqartunik Nalunaarsuiffik (IIN) atorunnaassaaq. 2018-imi januaarip aallaqqaataanit atuutilersumik Danmarkimi det Centrale Virksomhedsregister (CVR) atorneqalissaaq. Allannguit Kalaallit Nunaanni suliffeqarfinnut aamma Kalaallit Nunaanni pisortatigut oqartussaasunut, taamatuttaaq nunani allamiut suliffeqarfiutaannut IIN-imi pilersinneqarsimasunut atuutissaq, taamatullu suliffeqarfinnut il.il. 1. januaarip 2018-ip kingorna nalunaarsorneqartunut.

Kalaallit Nunaanni suliffeqarfiit aamma piginneqatigiiffit Inuussutissarsiutnik Ingerlataqartunik Nalunaarsuiffimmi (IIN) nalunaarsorneqarsimasut CVR-imut namminneq (automatiskiusumik) nuunneqassapput. Tamatuma kingornatigut Kalaallit Nunaanni suliffeqarfiit aamma oqartussaasut ingerlataat CVR-imi takuneqarsinnaassapput CVR-imi normoqarlutik, suliaqarfik, nioqquqtiisiorfiit, suliffeqarfimmieq peqataasut il.il danskit suliffeqarfiiut ittumik takuneqarsinnaallutik. Tamatumunnga ilutigitillugu suliffeqarfiit pillugit paassisutissat kalaallit oqaasii atorlugit takuneqarsinnaassapput, soorlu ullumikkut CVR tuluit oqaasii atorlugit takuneqarsinnaasoq.

Kalaallit suliffeqarfiutaasa namminneq paassisutissanik aaqqiisinnaaneq kalaallit oqaasii atorlugit Virk.dk-mi periarfissarilissavaat, tassani nalunaarutigineqarsinnaapput suliffeqarfiit inummit ataatsimik pigineqartut, interessentselskabit, kommanditselskabit, umiarsuaatleqatigiit, aningaasaateqarfiit aamma peqatigiiffiit. Aaqqiineq nutaaq tassaassaaq imminut kiffartuulluni suliaqarsinnaanermik aaqqiineq. Akileraartarnermut Aqutsisoqarfik 31. decembari 2020 tikillugu CVR-imi immersuisarnermut aamma allanngortitsisarnermut pisariaqartitsineq naapertorlugu ikuuttarsinnaavoq.

Kalaallit Nunaanni aningaasaliilluni ingerlatsiviit (A/S aamma ApS il.il.) ullumikkut IIN-imi nalunaarsimanermik saniatigut aammattaaq CVR-imi nalunaarsorneqareerput, nalunaarsorsimanermut normumik taaneqartartumik. Ingerlatsiviit (selskabit) 1. januaari 2018 aallarnerfigalugu CVR-normoqalissapput, taanna CVR-imi Virk.dk-mi tamanit takuneqarsinnaalissaaq, tamatuma saniatigut Kalaallit Nunaanni aningaasaliilluni ingerlatsiviit pillugit nalunaarsuineq aamma tamanut saqqummiussineq allamik allannguiteqassanngilaq.

IIN-ip CVR-imut 1. januaari 2018-imi nuunneqarnissaa sioqqullugu maannakkut suliaqarfiiit ilisarnaataat GB2000 danskit suliaqarfisa ilisarnaataannut DB07-imut [linknuunneqassaaq](#).

## Tunngaviousoq

Nalunaarsuiffit taakku marluk ataatsimoortilernerannut tunngaviousoq nalunaarusiami "Kalaallit Nunaata Danmarkillu akornanni niuernermi inuussutissarsiutitigut suleqatigiinnerup siuarsarnera" 2015-imeersumi takuneqarsinnaavoq. Nalunaarusiap inassutigisaasa aaqqaneq marluusut ilaat Danmarkip aamma Kalaallit Nunaata suliffeqarfiit nalunaarsorneqartarnerannut tunngatillugu suleqatigiinnerulernissaannut sammivoq, tassani siunertarineqarpoq kalaallit suliffeqarfisa imminut nalunaarutigisarnerisa aamma attaveqaqatigiittarnerisa digitaliusumik periarfissaqarnissaasa annertusarneqarnissaat.

## Piviusut

- Inatsisartunit akuersissutigineqarpoq Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. 33, 28. november 2016-imeersoq.
- Ulloq 1. januaari 2018 Inuussutissarsiutnik Ingerlataqartunik Nalunaarsuiffik (IIN) pigineqartoq matussaaq paassisutissallu CVR-imut nuunneqassapput.
- Ullumikkut IIN-imi 6000 missaaniittut imikkoortut inatsisitigut pisinnaatitaasuusut pisussaatitaasuusullu ingerlasutut nalunaarsorsimapput, taakkua affaasa missaat suliffeqarfiiupput inunnit ataasiakkaanit pigineqartut 1000-illu missaat tassaallutik aningaasaliinikkut piginneqatigiiffiit. Sinneri tassaapput

suliffeqarfittut allatut nalunaarsorneqarsimasut soorlu imatut interessentskabit, kommanditselskabit aamma aningaasaateqarfiiit oqartussaasut suliffeqarfii ilanggullugit. Immikkoortut INN-imi nalunaarsorsimapput GER normoqarlutik, tassalu tamakkupput maannakkut CVR normumik tunineqartussat.

- INN nuunneqarpat CVR-imut suliffeqarfiiit, ingerlatsiviit (selskabit) aamma oqartussaasut ingerlatsivii nalunaarsorneqarsimasut maannakkut GER normortik pigiinnassavaat, taanna CVR normutut atulissaaq. Kalaallit suliffeqarfutai pillugit nalunaarsukkat CVR-imi tamanut saqqummiunneqassapput Virk.dk-mi takuneqarsinnaallutik soorlu danskit suliffeqarfutai taamaattut assigalugit.